L'Acqua

Acqua di la mio funtana,
Oghje quì, dopu luntana,
Sì sempre pronta à scappà
Chì lu to nome hè libertà.
Acqua pura corri, corri,
Disceta li nostri cori,
Un ti ponu impriggiunà
Chì lu to nome hè libertà.

Acqua sì nata tuttu in cima, E pò la rena s'avvicina, Dalli a forza di luttà Chì lu to nome hè libertà.

Fiume chì mori goccia à goccia, U to sangue ci da l'angoscia, Ma ci face arricurdà Chì lu to nome hè libertà.

Acqua di la mio muntagna, Hai u core chì si lagna, Sì sempre pronta à scuppià Chì lu to nome hè libertà.

Acquaccia di Cuntinente, Torbia pagna eppò chì sente, Ti sì venduta à un rè Chì t'hà imbruttata à piacè.

Acquuccia di u bainu, Quandu mi sì avvicinu Ti vurrebbi assumiglià A tè chì ti chjami libertà.